



Broj: 03/9-11-8-3882-3/2/
Sarajevo,

08-03-2021

Zavod zdravstvenog osiguranja Kantona Sarajevo (u daljem tekstu „Zavod“) u skladu sa članom 52. stav 1. Zakona o zdravstvenoj zaštiti Federacije BiH ("Službene novine Federacije BiH", broj 46/10 i 75/13), Pravilnikom o postupku dodjele ugovora o uslugama iz Aneksa II Dio B Zakona o javnim nabavkama („Službeni glasnik BiH“, broj 66/16), Planom nabavki Zavoda zdravstvenog osiguranja Kantona Sarajevo za period od 01.01.2021. do 31.03.2021. godine broj: 01/2-02-2-3268-1/21 od 22.02.2021. godine i Odlukom o dopuni Plana nabavki Zavoda zdravstvenog osiguranja Kantona Sarajevo za period od 01.01.2021. do 31.03.2021. godine broj: 01/2-02-2-3881-1/21 od 08.03.2021. godine, a u vezi sa Zaključkom Vlade Kantona Sarajevo broj: 02-04-7030-2/21 od 04.03.2021. godine, raspisuje

**JAVNI POZIV
za usluge testiranja/PCR detekcije
„SARS-CoV-2 virusa (COVID-19)“**

Usljed pogoršane higijensko-epidemiološke situacije na području Kantona Sarajevo, te nemogućnosti javno-zdravstvenih ustanova da u okviru raspoloživih kapaciteta izvrše analizu svih prikupljenih uzorka (briseva) stanovništva na korona virus SARS-COV 2, a kako ne bi došlo do ugrožavanja zdravlja i života građana Kantona Sarajevo, pozivaju se zainteresovani ponuđači sa laboratorijem koji je verificiran od strane Federalnog ministarstva zdravstva za PCR testiranje detekcije SARC-Cov 2 virusa da dostave svoje prijave za pružanje usluga testiranja/PCR detekcije „SARS-CoV-2 virusa (COVID-19)“ za potrebe osiguranih lica Zavoda.

A. NAZIV UGOVORNOG ORGANA

Zavod zdravstvenog osiguranja Kantona Sarajevo
Kontakt telefon: 033 725 221/ 033 725 254/ 033 725 312
Faks: 033 725 298
Email: javne.nabavke@kzzosa.ba
Kontakt osobe: Džemo Kojić i Džemila Helać Nasrallah

B. OPIS PREDMETA NABAVKE

- Predmet javnog poziva je pružanje usluga testiranja/PCR detekcije „SARS-CoV-2 virusa (COVID-19)“ za potrebe osiguranika Zavoda zdravstvenog osiguranja Kantona Sarajevo sa opisom usluga kako slijedi:
 - Usluga testiranja/PCR detekcije na „SARS-CoV-2 virusa (COVID-19)“ (bez testa ponuđača)
 - Usluga testiranja/PCR detekcije na „SARS-CoV-2 virusa (COVID-19)“ (sa testom ponuđača)
- Ugovorni organ će za uslugu pod tačkom a) Usluga testiranja/PCR detekcije na „SARS-CoV-2 virusa (COVID-19)“ (bez testa ponuđača), ponuđaču dostaviti ekstrakcijski i detekcijski kit.
- Broj uzetih uzoraka (briseva) u JU Dom zdravlja Kantona Sarajevo će se ravnomjerno raspoređivati između kvalifikovanih pružaoca usluga sa kojima će se zaključiti ugovor.
- Rok za pružanje predmetne usluge: nalaz testa treba biti gotov najkasnije u roku od 24 sata od momenta preuzimanja uzorka (brisa).
- Mjesto pružanja usluga: usluga testiranja vršit će se u verificiranoj laboratoriji, a uzimanje uzorka (brisa) u JU Dom zdravlja Kantona Sarajevo.
- Način pružanja usluge: Sukcesivno na osnovu uputnica ljekara porodične medicine iz JU Dom zdravlja Kantona Sarajevo, koji će prikupljene uzorke (briseve), koji ne mogu biti testirani u laboratorijama javnih ugovornih ustanova zbog nedostatnih kapaciteta, ravnomjerno distribuirati ugovornim laboratorijama.

C. PROCIJENJENA VRIJEDNOST NABAVKE

Procijenjena vrijednost nabavke za period tokom kojeg će se pružati usluge je 686.000 KM, a sredstva za nabavku obezbjeđena su osnovom Odluke o privremenom finansiranju Zavoda zdravstvenog osiguranja Kantona Sarajevo za period 01.01. do 31.03.2021. godine. Nakon isteka privremenog finansiranja rashodi izvršeni po osnovu ugovorenih usluga testiranja/PCR detekcije, uključuju se u Finansijski plan za 2021. godinu na poziciji 2.3.2 – deficitarne usluge zdravstvene zaštite ugovorene javnim pozivom.

D. PRAVO UČEŠĆA

Pravo učešća imaju sve ustanove i laboratoriji registrovani na području Kantona Sarajevo, koji su verificirani od strane Federalnog ministarstva zdravstva za obavljanje PCR testiranje detekcije na „SARS-CoV-2 virusa (COVID-19)“, koje nemaju status ugovorne zdravstvene ustanove i ne pružaju već predmetnu uslugu Ugovornom organu.

E. OBAVEZE ZDRAVSTVENE USTANOVE/ PRUŽAOCA USLUGA

1. Ponuđač se obavezuje da će osiguranim licima Zavoda pružati usluge testiranja/PCR detekcije „SARS-CoV-2 virusa (COVID-19)“, u skladu sa važećim zakonskim i podzakonskim propisima iz predmetne djelatnosti, a na osnovu uputnice ovlaštenog ljekara iz JU Dom zdravlja Kantona Sarajevo i dostavljenog uzorka (brisa).
2. Ponuđač se obavezuje da će rezultati testa biti gotovi najkasnije u roku od 24 sata od momenta prijema uzorka (brisa), te da će pružene usluge biti standardnog kvaliteta u skladu sa savremenim dostignućima medicinske struke.
3. Ponuđač se obavezuje da će koristiti integralni informacioni sistem Zavoda zdravstvenog osiguranja Kantona Sarajevo. Putem navedenog informacionog sistema pružalac usluga obavezan je evidentirati prijeme uzorka (briseva), usluge i izvršiti unos rezultata testa.
4. Ponuđač usluga je dužan obezbijediti zaštitu ličnih i medicinskih podataka osiguranih lica kojima pristupaju radnici tokom obavljanja svojih profesionalnih zadataka, kao i čuvanje profesionalne tajne.

F. CIJENA USLUGE TESTIRANJE

		Cijena KM
1	Usluga testiranja/PCR detekcije na „SARS-CoV-2 virusa (COVID-19)“ (bez testa ponuđača)	30
2	Usluga testiranja/PCR detekcije na „SARS-CoV-2 virusa (COVID-19)“ (sa testom ponuđača)	75

Ponuđač može dostaviti ponudu za pružanje usluge pod tačkom 1 i 2 ili samo za uslugu pod brojem 1 ili samo za uslugu pod brojem 2.

Napomena: Na cijene zdravstvenih usluga u okviru obaveznog zdravstvenog osiguranja se ne vrši obračun PDV-a. Ponuđene cijene su konačne.

G. OSTALI USLOVI UGOVARANJA

Svi bliži uslovi (način upućivanja pacijenata, način plaćanja i sl.) regulisat će se posebnim ugovorom zaključenim između Zavoda zdravstvenog osiguranja Kantona Sarajevo i odabranih kvalifikovanih pružaoća zdravstvenih usluga.

I. PERIOD NA KOJI SE ZAKLJUČUJE UGOVOR

Period trajanja ugovora: devet mjeseci od dana zaključenja ugovora ili do utroška predviđenih sredstava.

J. KRITERIJ ZA DODJELU UGOVORA

Sa svim Ponuđačima koji u navedenom periodu dostave kvalifikovane ponude će biti zaključen ugovor za pružanje predmetnih usluga.

K. USLOVI I ZAHTJEVI KOJE PONUĐAČI TREBAJU ISPUNITI

U pogledu sposobnosti za obavljanje profesionalne djelatnosti, ponuđač mora ispunjavati minimalno sljedeće uslove za što će u ponudi dostaviti dokaze:

1. Rješenje Federalnog ministarstva zdravstva kojim se laboratorij verficira za uluge PCR testiranja na COVID-19;
2. Popunjen Prilog broj 1 (Obrazac za dostavljanje ponude);
3. Popunjen prilog broj 2. (Izjava o ispunjenosti posebnih uslova)

NAPOMENA

Ugovorni organ zadržava pravo provjere tačnosti datih podataka u dostavljenoj prijavi.

L. NAČIN DOSTAVLJANJA PRIJAVA I ADRESA

Prijave se dostavljaju u zatvorenoj koverti na protokol Zavoda ili putem pošte na adresu: Zavod zdravstvenog osiguranja Kantona Sarajevo, ul. Zmaja od Bosne bb, Sarajevo sa naznakom: „PRIJAVA ZA JAVNI POZIV za usluge testiranja/PCR detekcije „SARS-CoV-2 virusa (COVID-19)“ - NE OTVARAJ“ ili putem E mail-a javne.nabavke@kzzosa.ba

M. KRAJNI ROK ZA DOSTAVU PRIJAVA

Zainteresirani pružaoci zdravstvenih usluga mogu dostaviti svoje prijave po ovom javnom pozivu u roku od 14 dana od dana zadnje objave, a najkasnije do 23.03.2021. godine do 15:00 sati.

Neblagovremene i nepotpune prijave neće biti uzete u razmatranje.

Sa svim Ponuđačima koji u navedenom periodu dostave kvalifikovane ponude će biti zaključen ugovor za pružanje predmetnih usluga odmah po zaprimljenoj ponudi i potvrdi kvalifikovanosti ponuđača.

N. OSTALE ODREDBE

1. Zavod ne snosi troškove u postupku Javnog poziva, te zadržava pravo prihvatiti ili odbiti u potpunosti svaku prijavu, poništiti Javni poziv u cijelosti ili djelimično ili odbiti sve prijave u bilo koje vrijeme prije zaključenja ugovora i pri tome ne snosi nikakvu odgovornost prema istim.

2. Za sve detaljnije informacije u vezi sa Javnim pozivom zainteresirani ponuđači mogu se obratiti Zavodu puteme e-maila: javne.nabavke@kzzosa.ba ili putem telefona 033 725 221; 033 725 254; 033 725 312.

Prilog:

- Prilog broj 1 (Obrazac za dostavljanje ponude);
- Prilog broj 2. (Izjava o ispunjenosti posebnih uslova)

Dostaviti:

- Ponuđačima;
- Službi za nabavke;
- a/a




Sakib Katana, dipl.oec.



Prilog br. 1.

OBRAZAC ZA DOSTAVLJANJE PONUDE

Naziv ponuđača: _____

ID/PDV broj ponuđača: _____

Datum: _____

Naziv i sjedište ponuđača	
Adresa	
IDB/JIB	
Broj žiro računa	
Da li je ponuđač u sistemu PDV	
Adresa za dostavu pošte	
e-mail	
Kontakt osoba	
Broj telefona	
Broj faxesa	

U postupku javne nabavke za „Usluge testiranja/PCR detekcije „SARS-CoV-2 virusa (COVID-19)“ dostavljamo ponudu za uslugu pod rednim brojem: _____ (upisati za koju USLUGU se dostavlja ponuda).

Potpis ponuđača

IZJAVA O ISPUNJENOSTI POSEBNIH USLOVA

Ja, niže potpisani _____, sa ličnom kartom broj: _____

(ime i prezime)

izdatom od _____, u svojstvu predstavnika privrednog društva ili obrta ili srodne djelatnosti

_____,
(navesti položaj, naziv privrednog društva ili obrta ili srodne djelatnosti)

ID broj: _____, čije se sjedište nalazi u _____,

(Grad/općina)

na adresi _____, kao kandidat/ponuđač u postupku javne nabavke

(Ulica i broj)

_____, za koje je objavljeno
(Navesti tačan naziv i vrstu postupka javne nabavke)

pod punom materijalnom i kaznenom odgovornošću

IZJAVLJUJEM

1. Da će usluga biti pružena najkasnije u roku od 24 sata od trenutka prijema uzorka (brisa);
2. Da prihvatamo cijene navedene u ovom javnom pozivu;
3. Da garantujemo zdravstvenu uslugu standardnog kvaliteta u skladu sa savremenim dostignućima medicinske struke;
4. Da ćemo se u toku trajanja ugovora pridržavati svih traženih uslova iz Ugovora i ovog javnog poziva ili u protivnom Zavod zadržava pravo raskida ugovora;
5. Da imamo izmirene i da ćemo u toku trajanja ugovora izmirivati sve porezne obaveze, a posebno doprinose za zdravstveno osiguranje;
6. Da ćemo u skladu sa Ugovorom, kao i na poseban zahtjev Zavoda, dostavljati sve informacije, podatke, izvještaje i sl. koji su utvrđeni važećim propisima i/ili koji su Zavodu neophodni radi izrade vlastite analitike ili izvještaja odnosno informacija koje je dužan dostaviti nadležnim organima.
7. Da ćemo koristiti integralni informacioni sistem Zavoda zdravstvenog osiguranja Kantona Sarajevo. Putem navedenog informacionog sistema ponuđač usluga je obavezan evidentirati prijeme pacijenata, usluge i izvršiti unos rezultata testa.
8. Da ćemo obezbijediti zaštitu ličnih i medicinskih podataka osiguranih lica kojima pristupaju radnici tokom obavljanja svojih profesionalnih zadataka, kao i čuvanje profesionalne tajne.
9. Da ćemo u periodu trajanja Ugovora koristiti ispravnu i certificiranu opremu u skladu sa propisima.

Izjavu dao: _____

Mjesto i datum davanja izjave: _____, _____.2021. godine

Potpis i pečat

M.P.

